

## YÜNGA NGÜ 40

1. Ta te Saul je ngu ka me de ne kpara ta te me siya ungu de ungu mgbu ba miri ta de da?

-Danie.

2. Wu Saul ake David ta biringbo de ne baye?

-Saul wu ndaye ta ga wu yako ni gbu silingu de zimg ba ne de me de David wu ndaye ta kpo.

-Saul wu ndaye ta ga me emoro wu kpara ka sitingu de Dani wu ndaye kpo.

-Saul wu ta ga me ena ti afuwo ni bu maye baka David de.

-Saule le ta ngu de me ga nina atima kpara ka kuwa ne de David wu ndaye ta kpo.

3. Ta te David reke nja de kambu kaye ne, a le ta amere ne?

-David le ta afa kambu fu me.

4. Kpara ta te ena afa kambu fu me ne ta de da?

-Ye David Solomon.

5. Mere zungu ta te me mala fu David ne ta deyi?

-Me mala ta ga nina atima kpara te akuwa wu kpara gbu nguwa kundu ye David.

6. Kambu ta te Solomon fa fu me ne, ta ba youf ta te wu Israel fa fu me ö wu de agbu ngere su ne baye?

-Kambu la ta kpa de gina su de iri ye njila su baka nda yofu ta te wu Israel fa fu me ne.

-Wu kambu la de yofu ta 'buru de njila njila su.

-Wu yofu de kambu la ta 'buru de bongo ezimgba wu.

7. Ka ete me kaye njila ungu le wu sitingu nda de ne, e ta te mere wu Pastor emere esa njila njila kambu ta ne e ne?

-Amgbu ta a moko ngute nu fu sanduku ka mareke ngu.

8. Me ena mere ta ne ene te ungu wu ta ngute nu te mere wu Pasoto emoko fu sanduku ka mareke ngu ne.

-Me mala ta ga nina ache ngu ta niza uwu ne kare biringbo gi te uwu ena amere gara zuka ngute ta sitingu ka uwu ba.

9. Ngute nu la ti ta ase wu kpara kawu sitingu ka uwu de ne ta ne ene?

-Tengu muru sitingu ena seteye maye de kpi.

10. Fu tanga ta te meiri Solomon kpi ne eta te mere fu wu Israel ne e ne?

-Wu Israel wu ta kpara te ena aza su miri Solomon de, fu nguwa wu Israel de njukpa de fuye ‘bosu ne ta fi zimgba uwu fu uwu akoro de wu kpara ‘bosu.

11. Wu ei wu nguwa de njuka te uwu de agbu go la ta baye?

-Israel.

12. Wu nguwa de ‘bosu te uwu de to gbu biri ne ta baye?

-Judan.

-Me ero ta mo fu wu kpara ta tengu ne?

-De uwu fowo.

-Me ei ta kpa wu kpara de wu romofu wu kpara de wu fowo.

-Me to ta ri ye fu Noah, Moses rota mofu wu Pharaoh de wu kpara ka Egypt, te ka de uwu fowo.

-Me mala ta ri ye fu Joshua, fu Joshua ta a romo fu wu Israel, de wu fowo.

-Me ei ta ka gara Israel de iri ye Jonah.

-Me mala ta fu Jonah ga aza riye anu di fu wu siti kpara gbu tö ka Nineveh.

-Wu kpara ta te uwu emgbu gbu tö ka nineveh ta de wu Assyria.

Ni Tanga La Jonah 1:1-3a

1-Fu ri me ta akoro fu Jonah ye Amittai:

2-“Mu nu gbu tö ka Nineveh de mu mala ngu teka ka, tengu wu siti ngu kaka koro eyi engegira ra.”

3-Fu Jonah ta akpe ka me to agbu Tarshish.

-Me le ta de Jonah nu gbu Nineveh tengu ne?

-Tengu me le ta wu kpara ka Nineveh.

-Tengu me le ta afowo wu kpara fe Nineveh ka wazi wu siti ngu, ka kpi ka Satana.

-Jonah kpe ta kane?

-Jonah kpe ta ka ete ungu le ta a nu gbu tö ka Nineveh de.

-Jonah le ta anu gbu tö ka Nineveh le de ne ka ne?

-Ka ete wu kpara ka Nineveh ta wu siti wu kpara.

-Ka ete wu kpara ka Nineveh ta de wu azi gu ka wu Israel.

-Ka ete Jonah le ta de me kuwa wu kpara ka Nineveh de.

-Jonah ti ta eyi akpe esaka Me?

### Ni Tanga La Jonah 1:3-10

3-Jonah nu ta agbu Joppa, fu ungu ta amaka kurumgba ede biri la, fu tang ta te eungu to se eyi ne, fu ungu ta arigbugbu de ni kpe ka me agbu Tarshish.

4-Fu me ta atima mere wege fu ngu la, fu mere agu ta akoro te le ta a kuru kurumgba la.

5-Wu kpara ta te uwu de gbu kurumgba la ta adi de mere churu, fu uwu atono akugba fu mw ka uwu. Fu uwu ta aso wu e 'buru gbu ngu ka kurumgba ena mere tiri, Johan nu ndaye ta eyi esa kurumgba, fu ra ta aza ungu kpala.

6-Fu mere kapra ka kurumgba la ta anu amala fefe ga, "mu ra ne baye? Mu etipi de mu ku gba fu me ka mu! Ewu de da ungu ena awu ngu de ni ka ana kpe 'buru"

7-Fu wu kpara ta amala ezimgba uwu ga, "yi koro de ni mere e awu kpara te koro de ngu ne. Fu uwu ta amere fa ati fu Jonah.

8-Fu uwu ta ayi tata ga, "Mu mala fini, kpara le ekoro de ngu ne fu ni de da? E te mu mere ne ene? Mu koro ne kaye? Tö kamu kaye? Mu de wu kpara deyi?"

9-Fu Jonah amalanga, “ma de Hebrew, ma kugba fu me te di agbu kpi, me te ö wu ngu de tö ‘buru ne.”

10-Fu churu ta amere uwu fu uwu ta ayi tata ga, “mu mere ne ene?” (Wu wu ta kpe ga akpe ka me, ka e te ungu mala eyi fu uwu ne.)

-Jonah ti ta eyi akpe esak Me?

-Abala de.

-Jonah ti ta eyi awo teye ka Me?

-Abla de.

-Jonah ti ta eyi a duru esaka Me.

-Abala de.

-Kpara kpala te tyi eyi aduri esaka Me ne ma.

-Wu Satana de wu daye mona kaye ti kpa aduru ka me de.

#### Ni Tanga La Jonah 1:11-17

11-Wu ngu ta akoro sisiti fu ngü fa su. Fu uwu ayi ta Jonah ga, “A mere de mu baye de ungu nga fini ne?”

12-“Yi za ra de yi so ra gbu ngü” Fa ta amala fu uwu, ana a nga, ma wu kpo ga ete emere ne kara.”

13-Wu komoko la le ta adude kurumgba sidi ede ngu. Wu ti ta adu di de, tengu ngu singa ta fa bu su.

14-Fu uwu ta aku gba fu me, “O Me, mu ya amoro ni ka ete ni moro komoko ne de. Mu ya ö ngute ungu fu njo ni ka ete ni moro kpara te mere e de ne de, tengu me me, mere eyi baka te mu le.”

15-Fu uwu ta aza Jonah aso ungu sidi, fu ngu ta anga.

16-Ngu la mere ka wu kpara akpe churu Me, fu uwu ato wu e fefe de amala wu ngu ka ale wu ngu kaka.

17-Fu me ta ato mere si de ungu me Jonah, Jonah mgbu ta gufu si la wu ra bata de wu biti kpa bata.

-Te Jonah je ta ngu ka Me teka anu gbu Nineveh ne, Me mere ta de ungu baye?

-Me tima ta mere si de ami Jonah.

-Jonah mgbu ta gufu si wu ra fe?

-Wu ra bata de wu biti bata.

-Jonah ti te eyi a fowo teye egutu mere si la?

-Abala de.

-Kpara ta te ti eyi a fow Jonah de da?

-Ade Me.

-Wu kpara 'buru baka Jonah ne baye?

-Bu baka eti Jonah ti ta a fowo teyi gufu mere si la de ne.

-Wu kpara 'buru ti afowo te uwu ka wozi wu sitingu, de kpi de Satana de.

-Bu baka ete Me ti ta afowo Jonah maye ne, me ti afowo wu kpara 'buru bu maye.

-Jonah mere ta gufu mere si la ta ne e ne?

Ni Tanga La Jonah 2:1

1-Fu Jonah ta aku gba fu me kaye gufu si.

-Jonah mala ta fu me ga ni basa ta ri me eyi.

-Fu Jonah ta amala fu me ga ni duru ta eyi ekutu Me.

-Fu Jonah ta a ei Me de ungu kuwa ni.

-Me fowo ta Jonah eyi?

### Ni Tanga La Jonah 2:10

10-Fu me ta amala ngu fu si, de ungu zi Jonah kötö edere ngu.

-Me mere ta ne ene ö te Jonah mala fu me ga ni basa ngu ka me eyi, fi ni a duru ekute me ne?

-Me mere ta de mere si la zi Jonah etongu fu kötö.

-Me fowo ta Jonah te ngu ne?

-Ka ete Jonah mala ga ni basa ta ri me eyi ne.

-Ka ete Jonah mala ga ni duru ta eyi ekutu me ne.

-Fu tanga ta te me fowo Jonah ne ungu mala fa eyi ga Jonah ya nu agbu Nineveh de?

-Abala de.

### Ni Tanga La Jonah 3:1-2

1-Fu ri me ta akor fu Jonah du ‘bosu ga:

2-“Mu nu gbu mere to ka Nineveh de mu mala ngu ta te ma mala ne fu uwu.”

-Me fu teye nda de.

-Me fu teye nda kude.

-Me le ta fi de Jonah nu de riye fu wu kapra ka Nineveh.

-Me le ta fi bu a fowo wu kapra ka Nineveh.

-Gbu lo ra la, Jonah le ta eyi te ka anu agbu Nineveh?

## Ni Tanga La Jonah 3:3-5 & 10

3-Fu Jonah ta aje ngu ka me fu ungu ta anu agbu Nineveh. Nineveh ta de mere to de ngu ye kpekpe ke teka de kpara ri kpara ele ta wu ra bata.

4-Gbu gina ra, Jonah tona ta agbu towu. Fu ungu amala ga: “Gbu ra tiki ‘bosu Nineveh ena asiti.”

5-Fu wu kpara ka Nineveh ta aje ngu ka me. Fu uwu ta amal ga wu kpara ‘buru u ede, de wu kpara ‘buru atono te mere kpara akoro te kpara de chuku’de wu to bongo shawali.

10Ta te Me chengu teuwu mere ne fu uwu akusa wu siti ngu ka uwu ne , ngu ta te ungu le amere ne.

-Gbu lo ra ne, Jonah je ta ngu ka me fu ungu ta anu agbu Nineveh.

-Gbu lo ra ne, Jonah nu ta de ri me agbu Nineveh.

-Jonah mala ta fu wu kpara ka Nineveh ga wu che kaji ka uwu de wu za kaji ka ka me.

-Wu kpara ka nineveh je ta ri me ke Jonah mala fu uwu ne eyi?

-Wayi.

-Me le de mu mgbu baka wu kapra ka Nineveh la.

-Me ele de mu je ri ni baka wu kpara ka nineveh la.

-Me ele de mu le ngu keni baka wu kpara ka Nineveh la.

-Me ele de mu che kaji ka siti ngu de mu za kaji ka me.

-Me siya ta kpa biwu kpara de uwu mgbu de wu muru tima keni, deuwu mala nga ri ye fu wu kpara kaye.

-Iri wu kpara ta te me siya uwu ba uwu muru tima kaye, deuwu mala ri ni fu wu kpara kaye ne ta de wuda.

-Wu Nebi.

-Me tima ta wu gara wu Nebi la fu wu nguwa wu Israel de njukpa la.

-Me tima ta wu gara wu Nebi la ta fu wu nguwa wu Judah de 'bosu la.

-Wu Nebi la mala ta fu wu kpara ga ne?

-Ga wu che kaji ka wu sitingu de uwu za kaji ka me.

-Wu Nebi la mala ta kpa fu wu kpara ga me le de uwu sitin wu kuru e kauwu la 'buru sisi.

-Gara nebi ka me ta de iriye Isaiah.

-Nebi Isaiah nu ta fu wu nguwa wu Israel de njukpa ne.

-Dene ngu ta te me mala fu Nebi Isaiah de ungu mala fu wu nguwa wu Israel de njukpa ne.

#### Ni Tanga La Isaiah 10:6

6-Fu Me amala ga, "Ma tima ta Assyria fu wu kpara te me ka uwu ma ne (wu Israel) ma ti ungu fu wu kpara te uwu emera de maguma ra nju ne, de aza wu e de agburu wu emazi fu uwu a doto kötö amgbu toto."

-E ta te ena amere ne e ne te wu ngu wa de njukpa la che ta kaji ka wu siti ngu fu uwu aza kaji ka me de la?

-Me ena tima ta wu Assyria de wu za esaka wu nguwa ka Israel de njukpa ne, fu uwu ta amere uwu dewu kpara ka tima.

-Gara Nebi ka me ta de iri ye Jeremiah.

-Nebi Jeremaih nu ndaye ta fu wu nguwa wu Judah de 'bosu ne.



-Dene de ngu ta te me mala fu Nebi Jeremiah de anu de fu wu Judah:

Ni Tanga La Jeremiah 20:5

5-Fu Me ta amal ga, “ma na ato judah wu asi gu ka wu su ne Wu e kaka ‘buru, de wu zuka e kaka de wu e ka miri ka Judah. Wu ena aza wu e ka zi fu uwu anu di agbu Babylon.”

-E te ena mere ta ne ene te wu Judah che kaji ka sitingu fu uwu aza kaji ka me de la?

-Me ena tima ta wu kpara ka Babylon de uwu za esak wu ngu wa ka wu Judah de ‘bosu la, fu uwu amere uwu ba wu kpara ka tima la.

-Me fu la teye de.

-Me le fi bu wu kpara ‘buru de uwu che kaji ka wu sitingu fu uwu aza kaji ka me.

-Me ena moro wu kpara ‘buru te uwu le a che kaji ka wu sitingu fu uwu aza kaji ka me de la.